

Ofensor: _____ Data: _____

Kel ofensor foi informadu di siginti (Seksons 1 – 10):

1. Bu foi prezu pa un ofensa di Konduzi Sob Influensia di Alkua y bu ta garantidu sertus direitus.
2. Bu ta ser permitidu uzu di un telefoni a bu kustu pa komunika ku bu familia o amigus, o pa bu providensia un fianza, o ativa servisu di un advogadu. Tal uzu di telefoni podi ser adiadu ti ki bu konsentimentu o rekuza for dokumentadu na es formulariu. Di kalker das formas, uzu di telefoni ta ser permitidu dentu di un ora di bu xegada.
3. Bu ten direitu, a bu pididu y kustu, di ser izaminadu imediatamenti pa un dotor di bu skolia. Bu ta oferesedu un oportunitadi razoavel pa bu izersita es direitu, mas prosesu di testi ka ta ser atrazadu pendent a es izaminason.
4. **N sta pidi pa bu konsenti pa un ☐ testi provatoriu di folgu / ☐ amostra provatoriu di sangi y testi (marka un) pa determina konsentrason di alkua na bu sangi.**
Kes sigintis seksons e relacionadu ku bus direitu di opera un veikulu motorizadu:
5. Kondutoris MENOR KI 21 Anu: Si bu rakuza es testi, bu lisensa o direitu di konduzi na Massachusetts ta ser supendidu pa un piriudu a partir di 3 anus a vida interu. Si konsentrason di alkua na bu sangi e .08 o mas, bu sta en violason di lei di Massachusetts y bu podi infrenta penas kriminal. Si konsentrason di alkua na bu sangi e .02 o mas, Rejistru di Veikulus Motorizadu (RMV) ta ben stabilesi penalidadis administrativu kontra bo. Si bu fazi testi y reprova, piriudu di suspenson e 30 dias, kontudu, tanbe bu ta infrenta suspenson adisional a partir di 180 dias ti 1 anu stabilisidu pa Rejistru di Veikulus Motorizadu.
6. Kondutoris ku Idadi di 21 anu o MAS: Si bu rakuza es testi, bu lisensa y direitu di konduzi na Massachusetts ta ser supendidu pa un piriudu di 180 dias a vida interu. Si konsentrason di alkua na bu sangi e .08 o mas, bu sta en violason di lei di Massachusetts y bu podi infrenta penas kriminal. Si bu fazi testi y konsentrason di alkua na bu sangi e .08 o mas, piriudu di suspenson e 30 dia.
7. Si bu disidi fazi testi, bu ten direitu a un izami di sangi konparativu dentu di un piriudu razuavel a bu kustu. Rezultadu di un izami di sangi konparativu podi ser uzadu na un audensia di tribunal, dentu di 10 dias, pa restabilesi bu lisensa y direitu di konduzi.
8. Rakuza o nega da konsentimentu pa fazi es testi provatoriu e un violason di Lei di Konsentimentu Implisitu y ta rezulta na suspenson di bu direitu di konduzi un veikulu motorizadu. Rakuza es testi y solisitason di algun otu tipu di testi e konsideradu un rakuza na termus di lei.
9. Adisionalmenti, ker bu ten un Karta di Konduson Kumersial (CDL), o nou, kalker algen ki nega submiti a es testi rikeridu ta ser diskualifikadu di konduzi un veikulu kumersial motorizadu pa un piriudu di 1 anu a vida interu.
10. Si bu staba ta konduzi un veikulu motorizadu ki staba ta transporta material prigozu ki debi ser sinalizadu, diskualifikason di CDL pamodi rakuza ta ser pa 3 anu. Si dja bu tinha sidu kondenadu pa un ofensa diskualifikanti, konformi diskritu na regulamentus federal di CDL o na lei stadual, diskualifikason di CDL ta ser pa vida interu.

Dipos di ser informadu y di intenti kel mensionadu di riba, bu ta konsenti pa

☐ **testi provatoriu di folgu** / ☐ **amostra provatoriu di sangi y testi (marka un)**

ki N sta pidi pa ditiremina konsentrason di alkua na bu sangi?

☐ Sin

☐ Nou

Ora di Konsentimentu o Rakuza _____

Djan le y djan intendi es Direitus Legal y Fromulariu di Konsentimentu.

Sinatura di Ofensor: _____ **Data** _____

Sinatura di Pulisia ki da Voz di Prizon o di Operador di Testi di Folgu: _____ **Data** _____

Sinatura di Algen ki Tistimunha Rakuza: _____ **Data** _____

(Ten ki ser diferenti di kel pulisia ki sina di riba)

DIREITU A UN DOTOR Leis Jeral, Kap. 263, Sek. 5A: un algen prezu na un skuadra pulisial o otu lugar di ditenson, akuzadu ku konduzi un veikulu motorizadu sob influensia di un likor intoxikanti, ten direitu, a se pididu y a se kustu, di ser izaminadu imediatamenti pa un dotor skodjedu pa el. Kel pulisia enkaregadu di tal skuadra o lugar di ditenson, o se designadu, debi informal di tal direitu imediatamenti dipos di ser prosesadu, y ta dal un oportunitadi razuavel di izersita tal direitu. Kel algen, logu dipos di ser prosesadu, ta dadu un kopia di es sekson a non ser ki un kopia stiver publikadu na skuadra pulisial o otu lugar di ditenson na un lugar notavel ki kel tal algen podi asesa.

DIREITU A UN TELIFONI Leis Jeral Kap. 276, Sek. 33A: Kel pulisia enkaregadu di skuadra pulisial o otu lugar tendu un telefoni na undi ki kel algen sta prezu, ta permiti uzu di telefoni a kustu di kel algen ki sta prezu, pa permiti kel algen prezu a komunika ku se familia y amigus, o providensia un fianza, o ativa servisu di un advogadu. Kalker tal algen ta ser informadu logu dipos di se xegada na skuadra o lugar di ditenson, di ses direitu di uza telefoni, y tal uzu ta ser permitidu dentu di un ora dipos.